



Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismvs
Catholicus, summam Christianæ institutionis IIII. libris
succinctim complectens**

Klinge, Konrad

Coloniae, 1570

VD16 K 1309

1. Quare Deus est timendus, ne peccemus.

urn:nbn:de:hbz:466:1-29452

mini tuo da gloriam, inquit Propheta. Sperare debet dona Dei, sed propter illa non mea opera facere, sed ex charitate, sicut filius seruit patri primo, quia pater eius est: deinde, quia sperat hereditatem: at seruus solus seruit propter premium &c. Dilectio est immerita misericordia, fauor, gratia, quae exhibetur proximo propter Christum, hoc est, fit propter Christum & illum respicit, non promeritum proximi vel odiū, eò quod dilectio est immerita gratia vel favor imeritus, qui exhibetur proximo propter Deum.

CAP. XXXVIII.

ARGUMENTA.

1. *Quare Deus est timendus ne peccemus.*
2. *Quomodo peius contingit relabebitibus in presentia vitia, & hic, & in futura vita.*
3. *Quod timentibus Deum semper prospere & bene omnia succedunt.*

VO nos allicere debent ad timorem Dei, ne peccemus: primo, quia pater est ideo charitas nos debet abstrahere a peccato, ut timeamus, ne offendatur pater celestis. Mal. 1. Si ego Dominus vester, ubi est timor meus? bonus filius qui patrem diligit, isti met eum offendere. Eccles. 1. Timor Domini expellit peccatum. Nam qui sine timore est, non potest iustificari. Signanter inquit, timor Domini: non dicit, timor poenae, aut timor perditionis diuitiarum vel salutis, sed Domini. Secundo, ad timorem nos allicere debet ne peccemus, grauitas peccati. Sic enim Deus detestatur peccatum, ut de illo placarion non potuerit, nisi filius suus occideretur. Non igitur Ieuis res est, peccare & Deum offendere. Esa. 53. Potius

suit in eo iniquitatem omnium nostrum, & nos in 1. Pet. 2.
uore eius sanati sumus. Maximè ergo nobis incute-
re debet timorem, ne iterum peccemus, tam grauis
offensio Dei, peccare contra legem D E I. Vbiique
ergo scriptura admonet, ut nunc iustificati, cessemus
peccare.

Deinde terrere nos debet, ut Deum timeamus, ne 2.
nobis iam iustificatis peius contingat, si sine timore
Dei relapsi fuerimus: Sic inquit Christus Ioan. 5. Ec-
ce sanus factus es: iam noli peccare, ne deterius tibi
aliquid contingat. & 2. Pet. 2. Qui rursus peccatis im-
plicatur, fiunt posteriora eius peiora prioribus: me-
lius enim erat, eos non cognouisse veritatem, &c. Ca-
nis reuersus ad yomitum, & sus lota ad volutabrum
luti. Extant quoq; exempla terribilissima Adæ in in-
nocentia creati, Genes. 2. Quam dum peccando per-
deret, ipsa & tota eius posteritas punita est: quid pro-
fuit habuisse innocentiam, quam peccando iterum per-
didit? Insuper Exod. 20. minatur Deus in tertiam &
quartam generationem punitionem transgressoribus
suorum mandatorum, qui Deum non timent. Et Ex-
odi 32. adorationem vituli occisione 23. millium vin-
dicauit, & domus Hieroboam, qui erexit duos vitu-
los aureos, nouum erigens cultum Dei, & instituit
sacerdotes infimos de populo, penitus deletur, 3 Re-
gum 14. Chor, Dathan & Abiron, in re Ecclesiastica
volebant pares esse Moysi & Aaroni, & deuorant à
terra viui, Numer. 16. quid profuit illis exiuisse Ae-
gypto? Punitur quoq; populus fame & carentia plu-
nus per annos tres & menses sex propter claudicatio-
nen in fide, 3. Reg. 18. ad vtrāq; partem, sicut impro-
perat illis Helias Propheta. Murmur populi & inobe-
dientia plectitur sensim morte sexcentorum millium
virorum, Num. 14 & à serpentibus interficiuntur &c.
Maria Moysis soror lepra percutitur, Numer. 12 cap.
Blasphemus lapidatur Leui. 24. temerās sabbathum,

K 4 lapida.